

ა(ა)იპ ქედის სახელოვნებო სკოლის 2024-2025 წლის ანგარიში

ა(ა)იპ ქედის სახელოვნებო სკოლა განთავსებულია კულტურის ცენტრის პირველ სართულზე, რომელსაც 400 კვ.მ. მეტი ფართობი უჭირავს. სულ არის 9 კაბინეტი და სარეპეტიციო დარბაზი.

სკოლა თავისი არსებობის 58-ე წელს ითვლის .

იგი არის სკოლის გარეშე სახელოვნებო საადმინისტრაციო და საგანმანათლებლო დაწესებულება, რომელიც მოსწავლეს აძლევს სახელოვნებო განათლებას და ამზადებს მათ სწავლის გასაგრძელებლად უმაღლეს სასწავლებლებში.

სკოლა შემოიფარგლება სამი ძირითადი განყოფილებით - საფორტეპიანო, საორკესტრო და ქორეოგრაფიული. სკოლაში ფუნქციონირებს გიტარის შემსწავლელი წრე. 2023 წელს სკოლაში დაარსდა ანიმაციური ფილმების სტუდია, სადაც 9 მოსწავლე ეუფლება ანიმაციური ფილმების დამზადების ხელოვნებას.

ზემოთ აღნიშნულ განყოფილებებზე სულ სწავლობს 340 მოსწავლე, აქედან:

საფორტეპიანოზე 68

საორკესტრო 24

ქორეოგრაფია სულ 148, მათ შორის - გოგონა 93, ბიჭი 55

გიტარა 18

ანიმაციის სტუდია 9

სკოლაში სულ დასაქმებულია 7 ადმინისტრაციული, 8 შტატგარეშე და 19 პედაგოგი, ყველა პედაგოგი დასაქმებულია დიპლომით მითითებული სპეციალობისა და კვალიფიკაციის მიხედვით.

სახელოვნებო სკოლას ჰყავს რამდენიმე ფოლკლორული ანსამბლი:

- ქორეოგრაფიული ანსამბლი „საუნჯე“,
- ფოლკლორულ-ინსტრუმენტული ანსამბლი „იასამანი“
- ფოლკლორულ-ინსტრუმენტალური ანსამბლი „ჩანგი“.

ანსამბლები არაერთხელ დაჯილდოვდნენ დიპლომებით, სიგელებით, ოქროს მედლებითა და ლაურეატის წოდებით კონკურსებსა თუ ფესტივალებში მონაწილეობისათვის.

ანსამბლი „ჩანგი“ მრავალი ფესტივალებისა და კონკურსების გამარჯვებულია. ანსამბლს მოპოვებული აქვს გასულ წლებში 2 ოქროს მედალი, 3 გრანპრი და პირველი ხარისხის დიპლომი. მოგეხსენებათ ანსამბლი ძირითადად მუშაობს ქართული ფოლკლორის მიმართულებით, განსაკუთრებით ძირძველი ქედური სასიმღერო რეპერტუარით შემოიფარგლება. ანსამბლი არაერთხელ იმყოფებოდა საგასტროლოდ თურქეთში, ბულგარეთისა და აზერბაიჯანის რესპუბლიკებში. 2024 წელს ანსამბლმა „ჩანგმა“ აჭარის განათლების, კულტურისა და სპორტის მიერ ორგანიზებულ ფოლკლორული ანსამბლების ოლიმპიადაზე მოიპოვა გრანპრი, ხალხური მუსიკალური საკრავი „ფანდური“, და საგასტროლო დაფინანსება საზღვარგარეთ 15 000 ლარის ოდენობით (სატრანსპორტო მომსახურება, ხოლო სასტუმროსა და კვების ხარჯი 11 000 ლარით დაფინანსდა ქედის მუნიციპალიტეტის მერიის მიერ). ასევე ანსამბლს გადაეცა აჭარის განათლებისა და კულტურის სამინისტროს მიერ საცენო კოსტიუმებით (34 ერთეული). ანსამბლი საგასტროლოდ იმყოფებოდნენ მეორედ ბულგარეთის რესპუბლიკაში ბავშვთა მსოფლიო ფესტივალ ბანაკ „რავდაში“, ასევე ქ. მცხეთაში გამართულ საერთაშორისო ფესტივალ-კონკურსში „მომავალი ჩვენია“ მოიპოვა დიპლომი წარმატებული მონაწილეობისათვის, ხოლო 26 ნოემბერს ქ. თბილისში არტ ჰოლში ქართული ქორეოგრაფიის ეროვნული ცენტრის ორგანიზებით გამართულ საერთაშორისო საბავშვო და ახალგაზრდულ ფოლკლორულ ფესტივალში „მომავალი ჩვენია“ ანსამბლი დაჯილდოვდა წარმატებული გამოსვლისათვის ოქროს თასით, ლაურეატის წოდებით და პირველი ხარისხის დიპლომებით. აღნიშნული ღონისძიების ფარგლებში 2024 წლისათვის მიწვეული იქნა ბულგარეთის რესპუბლიკის ქალაქ ნესებრში მსოფლიოს ბავშვთა ფოლკლორის ფესტივალზე მონაწილეობის მისაღებად. ასევე ანსამბლის ხელმძღვანელი ნაზი სურმანიძე დაჯილდოვებული იქნა „ხელოვნების ბრწყინვალეობის ორდენით“ ქართული ფოლკლორული ხელოვნების განვითარებაში შეტანილი განსაკუთრებული წვლილისა და ხანგრძლივი პრაქტიკული მოღვაწეობისათვის. აქედან გამომდინარე სახელოვნებო სკოლის პედაგოგი ნაზი სურმანიძე რომელსაც კულტურის სფეროში მუშაობის თითქმის 50 წლიანი გამოცდილებისა და მრავალი მიღწეული წარმატებებისა სკოლის დირექციამ და პედაგოგიურმა კოლექტივმა ერთხმად დაუჭირეს მხარი „საპატიო ქედელის“ წარდგენის ინიციატივას და

დირექციის თხოვნით მერიას წარედგინა დოკუმენტი მისი საპატიო ქედელის წოდების შესახებ, რომელიც დაკმაყოფილდა და მადლობას ვუხდით ქედის მუნიციპალიტეტის მერიას და საკრებულოს მხარდაჭერისათვის.

ქორეოგრაფიული ანსამბლი „საუნჯე“ 2024 წლის 2-7 თებერვალს საგასტროლოდ იმყოფებოდა ბაკურიანში ბავშვთა საერთაშორისო ფესტივალ „ბორჯომ-ბაკურიანი 2025“ მონაწილეობის მისაღებად, სადაც წარმატებული მონაწილეობისათვის გადაეცათ დიპლომები.

2024 წლის 13-18 ნოემბერს ქ. ბათუმის ხელოვნების სასწავლო უნივერსიტეტში ჩატარდა ანიმაციური ფილმების საერთაშორისო ფესტივალი „თოფუზი 2024“, რომელშიც ჩვენი სკოლის ანიმაციის სტუდიის მოსწავლეებმა მიიღეს მონაწილეობა, სადაც შესაძლებლობა მიეცათ ენახათ ანიმაციური სტუდიის მოსწავლეთა დამზადებული ანიმაციური ფილმები, მიიღეს მონაწილეობა ვორქშოპებში, ასევე გაეცნენ და დაეუფლენ ახალ ვიარტექნოლოგიებს. ფესტივალში მონაწილეობას ღებულობდნენ უცხო ქვეყნების ასისტენტ ანიმატორები, რომლებიც მონაწილეებს უტარებდნენ მასტერკლასებს ვიარტექნოლოგიის სწორად გამოყენების შეაძლებლობებზე.

მოგეხსენებათ, მიმდინარეობს სახელოვნებო განათლების რეფორმა, რომელიც მოიაზრებს ინკლუზიურ სფეროსაც. სასიხარულოა ის გარემოება, რომ ამ მნიშვნელოვან პროცესში ჩვენმა სკოლამ მცირე წვლილი შეიტანა გამოცდილების გაზიარებით. საქართველოს კულტურის კომიტეტის 5 დეკემბერის სხდომაზე, რომელსაც ხელმძღვანლობდა ქალბატონი ელისო ბოლქვაძე, ჩვენ მოგვეცა შესაძლებლობა პირდაპირი ჩართვით წარმოგვედგინა ჩვენი მოსაზრებები ამ მიმართულებით.

სახელოვნებო სკოლის მოსწავლეები აქტიურად მონაწილეებენ, როგორც მუნიციპალიტეტში, ასევე მის ფარგლებს გარეთ. წლის განმავლობაში ჩატარდა სკოლის ღია და დახურული კონცერტები, პედაგოგთა კლასის და საანგარიშო კონცერტები.

აღსანიშნია, რომ 2024 წლის საქართველოს კულტურის სამინისტროს მიერ გამოცხადებული სახელოვნებო სკოლების ხელშეწყობისთვის 10.300 ლარი მოიპოვა

2024 -2025 წელში ჩატარდა შემდეგი ღონისძიებები

1.ბორჯომი-ბაკურიანი-საერთაშორისო ფესტივალი - ქორეოგრაფიული ანსამბლი „საუნჯე“

2. ქ.ბათუმი-სიმღერისა და ცეკვის ბავშვთა ფოლკლორული ანსამბლების ოლიმპიადა-ანსამბლი „საუნჯე“,ანსამბლი „ჩანგი“
3. ქედა-26 მაისი დამოუკიდებლობისადმი მიძღვნილ კოცერტში მონაწილეობა - ანსამბლი „ჩანგი“, ანსამბლი „საუნჯე“, ვოკალურ ინდივიდუალური შემსრულებლები.
4. ქედის სახელოვნებო სკოლა-საფორტეპიანო განყოფილების პედაგოგ სალომე ხაბაზის კლასის კონცერტი.
5. ქ.ბათუმი სახელმწიფო მუსიკალური ცენტრი - ოლიმპიადაში გამარჯვებულთა დაჯილდოება -ანსამბლი „ჩანგი“(დაჯილდოება გრამპრის)
6. ქედა- 1 ივნისი - (ბავშვთა დაცვის დღე) - სახელოვნებო სკოლის ქორეოგრაფიული, ფოლკლორული ანსამბლების, ინდივიდუალური შემსრულებლების, საფორტეპიანო, საორკესტრო და სიმებიანი (ფანდური, გიტარა) კონცერტი.
7. ქედა - სახელოვნებო სკოლა - პედაგოგ ლამზირა ქაჯაიას კლასის კონცერტი.
8. ქედა - სახელოვნებო სკოლა -პედაგოგ ნონა ჭყონიას კლასის კონცერტი
9. ქედა - კულტურის ცენტრი-15 ივნისი სახელოვნებო სკოლის დასკვნითი კონცერტი
10. ქ. მცხეთა - საერთაშორისო ფესტივალი მომავალი ჩვენია-ანსამბლი „ჩანგი“
11. ქედა. სოფ.გეგელიძეები - ანიმაციური ფილმების საბავშვო ფესტივალი-სახელოვნებო სკოლის ანიმაციის სტუდიის მოსწავლეები
- 12.ქ. ბათუმი, სახელმწიფო ხელოვნების უნივერსიტეტი - ანიმაციური ფილმების საერთაშორისო ფესტივალი „თოფუზი“,მონაწილეობა სახელოვნებო სკოლის ანიმაციის სტუდიის მოსწავლეები
- 13.ქედა, სახალხო ზეიმი „შემოდგომა ქედაში“- მონაწილეობის მიღება ანსამბლი „ჩანგი,ანსამბლი „საუნჯე“,ინდივიდუალური შემსრულებლები
- 14.ქ. ბათუმი - აჭარის რადიო მაუწყებელი - ინტერვიუ ღია ეთერში სახელოვნებო სკოლის დირექტორთან, კულტურის სამსახურის ხელმძღვანელთან და ანიმაციის სტუდიის მოსწავლეთა ინტერვიუ

15.ქ. თბილისი - საერთაშორისო ფოლკლორის ფესტივალი „მომავალი ჩვენი“ ანსამბლი „ჩანგი“

16.ქედა-სახელოვნებო სკოლა 26 დეკემბერი პედაგოგ სალომე ხაბაზის კლასის კონცერტი

17.ქ.ბათუმი-ზ.ფალიასვილის სახელობის სამუსიკო სკოლის საკონცერტო დარბაზი, ფესტივალი-კონკურსი „რონდო კლასიკა“. მონაწილეობა მიიღო საფორტეპიანო განყოფილების მოსწავლეებმა ანა და ალისა ასამბაძეებმა. დაჯილდოვდნენ სიგელებითა და ფასიანი საჩუქრებით კონკურში წარმატებული გამოსვლისათვის.

18.ქედა „მომავლის პალიტრასა“ და სახელოვნებო სკოლის ორგანიზებით საბავშვო თეატრალური სადებიუტო ჩვენება გაიმართა.

19.ხულო -დრამატული თეატრი „მომავლის პალიტრასა“ და სახელოვნებო სკოლის ორგანიზებით საბავშვო თეატრის ჩვენება გაიმართა.

20.ქედა.კულტურის ცენტრი-სახელოვნებო სკოლის მოსწავლეთა საკონცერტო ჩვენება აჭარის განათლების, კულტურისა და სპორტის სამინისტროს წარმომადგენლებთან ბატ .ა/ძნელაძე, ბათუმის მუსიკალური ცენტრის სამხატვრო ხელმძღვანელის ზვიად ბოლქვაძე თავის შემოქმედებით ჯგუფთან ერთად იმყოფებოდა, სადაც სტუმრობა გაცნობით ხასიათს ატარებდა და მიზნად ისახავდა მოზარდ მუსიკოსთა აღმოჩენას და მათ ხელშეწყობას.

21.ქ.ბათუმი- მწერალთა სახლში სახელოვნებო სკოლის საბავშვო თეატრის მონაწილეები საზოგადო მოღვაწეებს შეხვდნენ და მომავლის პალიტრის მიერ განხორციელებულ პროექტში „არ დავივიწყოთ ქართული“-ს წარმატებით მონაწილეობისათვის გადაეცათ პროექტის ავტორისაგან სიგელები.